

光緒山西通志

水利略四

略二之四

山西通志第六十九

以進士出身頭品頂戴都察院右副都御史巡撫山西提督軍務臣張齡奉
旨監修

遼州

沁州

平定州

忻州

代州

保德州

解州

絳州

隰州

霍州

和順縣

玉津泉在縣東溉近城田

舊通志水井溝在東北三里即古玉津泉也源雖涓細

亦資灌溉

榆社縣

東匯泉藍玉泉並在縣東舊資灌溉

舊通志東匯泉在東五里水甚盛舊有太谷民佃種洽

爲稻田後廢藍玉泉在東四十里藍玉寺下形頗高可
以溉田

右遼州

沁州

小漳水涅水銅鞮水舊並溉田湛泉溉近城蔬圃

舊通志湛泉在州西半里旁多園林周圍數泉環繞圃
人利之

崔銑沁州水田記歲丙申御史趙子下知州王良輔襄
事導漳泉自柯山南至於張仙祠溝斷之橫木乘溝空
其中引水又南至於交口灌田四千畝導甲水自溪亭
東南至石陀遂鑿石渠至甲里灌田三千六百畝導清
源自赤山灌田三千畝蓋達於官郵圍水環流往沁止

播菽穀新田皆種秔畝收二鍾有奇甲水即渥水清流即清河銅鞮水也

河隄小漳隄在北城外

劉光蔚石隄記城西北隅沁水南來日夜嚙其下舊有

石隄捍蔽歲久衝激程侯築石隄長六十二丈高一丈

二尺案沁水不經州境所謂沁乃小漳河也

沁源縣

沁河渠溉沿河諸村田十八頃

舊通志沁河渠發源河底村距縣一百二十里諸村設

渠水散渠中上下引溉龍頭渠溉地四十五畝閻寨渠溉地三十七畝

圭勇渠溉地四十二畝小章渠溉地十五畝羅家莊渠溉地十七畝河西

渠溉地七十五畝右瀝渠溉地十五畝安樂鋪渠溉地三十畝紅林渠溉地

下柳渠溉地六十三畝長樂渠溉地五十畝李家莊渠溉地十一畝

五十五畝

有義渠溉地三麻卷渠溉地七賈家莊渠溉地八琴峪

渠溉地三侯壁渠溉地二官軍鎮渠溉地五張壁渠溉地

三溉地白狐窰渠溉地四化峪渠溉地四交口渠溉地九

作平渠溉地二秦家莊渠溉地四陽城渠溉地三石臺

渠溉地四琴泉渠溉地三小里底渠溉地三姚壁渠溉地

二溉地東村渠溉地七大道渠溉地五行村渠溉地二李

元渠溉地三下莊渠溉地一李成渠溉地三中峪渠溉地

四溉地南石渠溉地三北石渠溉地十霍登渠溉地十馮

村渠溉地四江莊渠溉地三董家莊渠溉地三柏子渠

十溉地凡渠四十三道溉地一十八頃

武鄉縣

涅水隄在南城外

武鄉縣志石隄在城西南萬曆五年知縣申九錫築長三十餘丈以障河水十七年圯黃元會重修加築護隄七十餘丈最稱鞏固

趙天麒築城隄碑南城一面漳水經流其下而西南隅首當其衝明萬曆間邑侯南皮劉公聯芳築隄百餘丈以護之歲久傾圯過半州守程公憲構事曰河水瀑漲載胥及溺城垣何以自立乃命修隄並禁糞廁疏水道無使蟻穴不塞浸成滔天焉

案經城西南者程水也俗名爲漳

右沁州

平定州

澤發水溉州東田四頃有奇沾水溉樂平鄉田一頃有奇嘉水穿渠入州城

平定州志雍正年知州李濂青阿立於娘子關導縣水
逢壑駕木遇埵通渠溉出四頃有奇案縣水即澤發水又名妒女泉樂
平鄉靜陽村有稻田百餘畝案村在鄉東南五十里蓋薄田之在枯木側者
舊通志唐李諶妬女祠銘井陘西南太原東北妬神之
泉澹為黛色跳波噴浪如有可則古往今來源流不忒
興雲致雨伴造化力今承天山下多水田不減晉溪云
郝天成濟川橋記平定上下兩城一建於西南隅即韓
信故寨一綴於東北原下即宋太祖所築新城去城不
半舍有嘉山山麓有嘉水自西而東經上城之趾注下
城之腹

壽陽縣

壽水溉城南田

舊通志壽水在縣南二里許盛夏山水暴漲河流上下皆赤惟壽水獨清開渠溉田可為民利

孟縣

香木隄在縣南及待賢村

舊通志城西有河隄待賢村南二十里南當河衝舊有石隄

右平定州

忻州

牧馬河渠灑州南及迤東田四百餘頃

忻州志牧馬河經白石村州西南三十里豆羅村二十里西至家

莊十里木芝村五里王家莊二里少北抱城如曲肘然又東北

岸經傅家莊距城二里故郡村五里段家莊十里北湖村二十里南

岸經石家莊距城二里曹村里南湖村里二十令歸村五里共

渠三十六道紫巖渠蕭村渠鴉樹渠王名渠石莊渠看

鶴渠南渠東渠西渠小西渠案王名看鶴皆非村名其

村楊莊渠義井渠莊兒渠長畦渠東渠小西渠樓村渠

西渠南渠小西渠東渠王府渠西渠中渠太延渠南關

渠上渠中渠下渠曲莊渠白石渠野場渠郝村渠南渠

段莊渠魏家渠引水澆地四百四十三頃有奇其牧馬

雲中二水胥引者有東十里埃渠案此三十七渠並見

渠道其時牧馬河所經之村據舊通志山白石村折東

經紫巖村南蕭村東樓村石家莊南湖村合歸村楊家

莊南義井北湖村傅家莊西樓村故郡村安邑村曹村

段家莊魏家莊太延村至南關廟外七里又經王家莊
苗家莊樊家野湯十里埃村郝村舊志三十五渠南關
共二十三村與今河道多不同
渠王家莊渠曲家莊渠二楊駟渠樊家野湯渠故郡渠

道二石家莊渠道二楊家莊渠曹村渠道二義井渠道二南薺村

渠北蕭村渠東樓村渠道二西樓村渠道二真檀渠令歸渠

道二北胡渠道四南胡渠道二郝村渠安義渠韓巖渠紫巖渠

雙堡渠案此三十五渠為康熙以前古渠亦見舊通志
考不能別其孰存孰廢以意測之似
所謂舊渠者與今河道尙略符也

其泉水資溉者鵠索河海滿泉前山泉並在州西舊溉田二
十餘頃

舊通志鵠索河在合索村南二里溉田六頃州西三海

滿泉源出嘉禾村溉稻田十餘頃州西四前山泉在南

營屯溉稻田十頃有奇州西六十里案忻州新志此

由三泉附見山川下其與廢亦無

舊渠滹沱河三渠雲中河十三渠並在州北今存故瀆渾水

渠在州西今涸

忻州志滹沱河入州境忻口鎮東經高城村伏虎莊王

會村寺家莊白村舊設渠三道王府渠新渠金山渠概

地二十七頃有奇舊通志河水經白村高雲中河見由

雲內口入崞縣案河道舊由金山南東流入牧馬河今

故道與舊通志亦自金山北入崞縣界與沙河合志所云

不同茲不備詳 舊渠十三道索家前渠索家後渠野

場渠解原渠小河渠沙窠渠棗澗渠西渠官渠河管渠

部落渠北趙渠泡池渠舊通志同案此為舊志三十二

渠二十里鋪渠道郭村渠泡池渠西播明渠呂令渠曹

張渠解原渠奇村渠北太平渠白村渠部落渠道楊村

渠代郡渠高池渠北新莊渠吳家莊渠淤泥渠平張渠

智村渠解村渠尹村渠六石渠盧家野場渠遂莊渠北

趙渠檀村渠

案此為康熙以前古渠亦見舊通志

舊通志渾水泉昔資灌溉今涸

在州西十五里流江村

謹案渚沱雲中牧馬皆州中巨川也舊通志列五十

二渠今雲中別徙渚沱雖行故道而亦衝決潰溢不

常歸壑惟牧馬一水資溉猶昔而以今河道核之與

所列三十七渠必不能一一如故

州志云共渠一百二十道考前明舊

志載九十六道知州楊維嶽又開三十五道其餘十

六渠係官開民間事隔久遠弗能深考又云實止八

十餘道蓋並三河也至其溉地之法有接鍬使水者有

分工使水者皆渠長司之以次輪灌無得爭越立法

非不公允也然水程之分例有定而河道之遷徙無

常開渠構訟之案無歲或無州志以愚民往往執志

乘所載某渠向經某村疏舊鑿新致與訟端遂於水

利一門悉仍前志不復詳究因墮廢食可為長慨光緒戊寅有御史奏請於忻口以東開鑿滹沱舊渠以工代賑議格不行蓋阻撓者不徒一二豪民已也

定襄縣

牧馬河七渠溉縣南十村田

定襄縣志智村南渠起忻州北霍村南引水入村西智村西渠起村西南入村東智村新渠起村西南入村西北明萬曆四十一年知縣王立愛開在縣西稍南二十里西邢村渠起智村東經西邢入張趙村在智村東十里張村渠起西邢村西經張村至董村縣南十里待陽村渠起張村西北經董村至南西鄆村明天啟四年開縣東南五里六渠並見舊通志以上董村渠起智村南經村東復合於河縣南十里德勝渠鐔村新

渠也起村西南古河溝引經村東西折北入河以上二渠見定

襄補志諸渠惟鐘村渠在河南餘並河北

舊通志瀕河民田胥設渠長立堰堰由上及下公分使

水而因借列一區者又以探闕定時刻焉無容爭越

其泉水資溉者縣南有三會泉六渠溉八村田

定襄縣志鐘村渠起呂布池合流北至李家莊分四小

渠縣南二十里呂布池在南邢村渠起小霍池經南

主南邢待陽諸村入牧馬河縣東南中霍渠引溉中霍

村小霍渠引溉小霍村並縣南二官莊渠起呂布池經

官莊水例五分有碑記中霍北五里以上達渠小霍

村新渠也起洪福寺後引泉水環村稻田多賴焉同治

三年初浚見補志

知縣吳會障官莊渠碑呂布池在小霍村中官莊離渠
七里二村各用五分築埽為界各由渠路使水無得中
途決口截流如馬跑柳鉢東凹諸泉亦隨池界為界

舊渠滹沱河有滹水通利二渠其續開者北岸有北受羅南
受羅馬房北莊南莊黃嘴林水邱村八渠南岸有藍臺南關
西關北關南北關北神山王進崔家趙家衛村南衛村北許
村南作十二渠今存故瀆牧馬河有古城渠今廢

舊通志滹水渠起湯頭村東遶橫山村經建安合河元
好問有記久廢康熙二十一年知縣趙繼普復開起忻
口蝦蟆石經灰嶺四家莊白村十五里入縣境漑上下
湯頭等八村田有碑記今廢光緒三年議開不果通利渠由縣北過
砂村至芳蘭村深闊各一丈初開於宋久湮元至正五

年復濬張惟善記後廢芳蘭縣東五里河南岸北受羅渠起忻州

白村經上下湯頭北受羅千家莊至迴鳳西沙坡南受

羅渠起下湯頭入南受羅村受羅當作受祿在縣北二十五里縣志明永樂二年

受祿鎮人王剛創開普濟渠灌田數十頃鎮人馬房營世食其利至今咸曰此鐵漢王老人之遺澤也馬房營

渠起下湯頭入馬房營在北受北莊渠起馬房營北經

南受羅入北莊南莊渠起馬房營南經南受羅北莊南

莊諸村至西東作二村黃嘴村渠起代郡經南莊黃嘴

至高村北莊南莊黃嘴並縣西北二十里黃嘴渠其下南關西關諸渠皆云起代郡蓋即忻州

渠也源沱自代時過忻口入縣境隔越重山不能引水自州地林木村渠起高村西南

經莊頭至林木村合泉水溉稻田縣北三里邱村渠起高

村西南經莊頭校尉營入邱村灣以上並在藍臺村渠

起代郡經西營村入藍臺西營村舊在藍臺北因河決五遷今在藍臺東南關

水經注卷之二十一

渠起代郡北經西營西河頭諸村入南關西關渠起代

郡南經羊房村入西關北關南渠起羊房村西經古城

又入北關北關北渠與南渠並列傍大河東行至石牌

灣縣志趙村人吳燦乾隆中浚北關渠十餘里通滹沱河入古城溉田數十頃案古城在今城外神山

村渠起莊頭村經北關王進村師家灣入神山即通利

渠之故源也東北二十里王進村渠由縣北至師家灣明晉

府屯地也纔直抵師家灣今裁漑村中而止東十里崔家

莊渠起莊頭經北關入崔家莊後淤萬歷四十一年知

縣王立愛復開濬有碑記東北十里趙家營渠起崔家莊入

村東北三十里衛村南渠起崔家莊經鎮安村南神山村北

至南作村合牧馬河東北三十里衛村北渠與南渠並行由

鎮安村歷衛村至管家營草冊不載北渠蓋衛村許村南北二渠共為一渠也

渠起鎮安村經嘴子馬成諸村至劉念村東北三里南作

村渠起衙村西北經管家營入南作村萬厯四十一年

知縣王立愛開以上並在漳沱南案漳沱河經縣境

渠道易於淤塞舊志所列二十一渠定襄新志皆不言及無由知其與廢也姑與忻州三渠並入舊渠統俟覆

核 牧水渠元至元八年開由智村南引水入古城由西

鄆村合牧馬河明洪武二十七年忠義坊副使高茂率

族再濬後廢

金元好問泲水渠堰記州俸定襄李侯于成曰宋爾朱

氏欲從忻口分支流為渠自沮而罷大定戊子信武喬

公號稱十萬復以渠為事開及向陽里農民以盜水致

訟役夫散歸至以水田為諱僕經始於壬寅之八月起

湯頭嶺西之白村上下逾六十里經建安口乃合流又

明年之三月張樂以落之又曰出東門一舍少折而南由三霍而東儘南邢之西其間無井邑無聚落無邱壠特沮洳之澤而已若能引牧馬之水以合三會於蒙山之麓平湖渺然多倍晉溪之十惜無大農尺一之版使扁舟落吾手中耳

元張惟善修通利渠記河東冀甯之九原古襄五仙之砂里爰自宋金里西舊有通利渠既湮沒矣中統至元初里人州將樊侯率本里同利之人選才者甲之尋故迹自縣城北決引薄水注東北經神山東南起土築堰橫截牧馬河流灌溉本里及鄰境農田是後洪水侵噬渠道阻隔土益淤水益縮至正壬午申侯愿惻然選砂里幹人前務副武從隆爲之長復通故迹於舊堰東將

里西地形高阜跨石岡創開巨渠一節深以丈底廣如
之而廣加底廣之倍上疏其源下濬其流並如深廣之
度接連村落首尾五十餘里支渠小堰經緯分明溉民
田無慮若干萬畝

神山渠碑通利古渠自滹沱河取水而師家灣小王村
地畝胥藉灌溉春秋挑濬設立渠長

靜樂縣

碾河隄在東城外

舊通志碾河隄明初知縣楊大德因金元舊址起壑袤
百丈有奇捍水不侵民廬民德之後河漲隄圯正德初
知縣朱麟增築又建碾河橋於其尾十二年河漲決隄
梁暨南郭外水磨後知縣王鏞修復嘉靖三十二年河

大漲衝南郭民廬三百所古隄蹤迹至是蕩盡矣隆慶
萬厯間屢修屢決萬厯二十六年知縣楊登科用石整
砌於舊址東北抵石山麓起隄下西南袤九十七丈有
奇高六尺底廣一丈有五尺頂廣一丈三尺入地下石
條凡三層層厚一尺博一尺五七寸有差乃通水東南
下離城可二射許而郭門外又築小隄二十丈有奇以
防不虞壬子河大漲衝石壘二十丈知縣程希堯補之
國朝康熙十五年典史辛日杰修舊隄畔栽柳成林三
十二年三十九年碾水再衝隄胥緣舊壘修築焉

右忻州

代州

滹沱河渠溉州東十二村田

滹沱河自州東五十里入境南岸引溉孫營東王西王園

子村地北岸引溉西留屬棗林堡下門王洪水南家寨賈

村韓曲平城諸村地案各村皆河難開畦引灌地皆崎嶇渠非一所

東峩河渠漑州東南四村田

東峩河自州東南五十里峩峪口入境分渠導水由東而

西溉峩口下社傳村南留屬村地

峪口渠漑州南十村田

舊志鳳遊峪水也在州南偏東五十里溉王家會岡上峪

口上沙窰下沙窰甲村選仁下莊金盤上曲諸村地

西峩河渠漑州西南中解口諸村田

舊通志中解河也在州西南十里源出紫荆山唐茹僕射

身始穿渠漑田今溉中解諸村地案中解諸村毗連數里有韓家街劉家街王家

街程家街金家街馮家街楊家街堡子街西街諸社

其別泉資溉者州東有聶營泉西有羊頭神水

代州志明成化間州人孫鳳視聶營地知下有泉教居

人疏鑿溉田近萬畝黑龍池在城西北二十里即羊頭

源嘉慶十七年知州孫樹新開拓之流灌陽明堡各村

田約數千頃

城中穿渠者為玉帶水

代州志知州孫樹新於東城隅濬得甘泉二穴開渠五

百八十丈自東至西形如環帶其水出郭西南隅灌田

數百畝

舊志魏黃初中雁門太守李招開渠注水城內案雁門郡時治

廣武在州西十五里古城村

河隄雁門水隄在北關外

代州志東關河發源雁門山緣城東南入滹沱明時水漲幾及城兵備張濟潘倣築隄遏其衝

五臺縣

清水河上峪渠溉縣東北五村田下峪渠溉縣東南四村田東峪渠流合清水溉縣東三村田

舊通志之臺山河也源出北臺行二百餘里入滹沱上峪開渠灌田者為松巖口上耿家莊河西河北高洪口惟松巖口地闊而腴甲乎諸村下游會慮鹿鹿陽兩河之水流入下峪開渠灌田者為獨孤店下耿家莊教場村羅家莊

上下峪一河也舊通志獨名為慮鹿東峪河經下峪之移城村孫家莊百

蘭村引水灌田沿河諸村皆於田也渠非一所興廢無常

泉巖河渠溉縣南十一村田

舊通志之小營河也金河東北路轉運勾判李華開渠引

灌明知縣李承祖為均水程為臺境水利之大者舊名豐

樂渠溉郭家寨南北大溪村槐陰村小營屯東冶鎮五級

村永安村永新村新村石村前後堡地六十頃各設支渠

水程十三日一周五臺新志大渠之南舊尚有東西珍若

盡埆入河灌者近年人頗種稻然水大漲則盡沒於河五

級村東南舊皆旱田近年高岸成窪可以灌既又云泉巖

小營河發源之地大小泉以數百計而未

能匯合成渠居人就地作畦種稻甚茂

明智幾先均平水道碑記五臺晉僻邑也淳沱為帶環

繞西南奔傾浩瀚地高而水下殊無補於灌溉北有泉
巖河由郭家寨大溪沛流於槐陰東冶等村頗大便利
邑侯李公自陝右來守是邑量地之多寡分水之日期

自下而上周而復始郭家寨地三頃水一日大溪地八

頃水二日半槐陰地十七頃水三日半東冶等地三十

二頃水六日一分派而三都稱便矣縣志槐陰村水地向有接壤之南大

溪小營屯地畝應分水碑未及後各村屢以分水互爭上控嘉慶二十年經太原守葉審結令南大溪與小

營屯使水一晝夜退歸槐陰村接灌二日半合之共三日半

其別泉資溉者縣東北有龍灣泉西南有磨山泉東西二潭

五臺新志龍灣泉種稻極佳然田不足頃其水南流成

河醬房東峽西峽三村可以溉田泉在縣東北四十餘里流入虎陽河

山泉舊灌槐陰及東冶以東各村田築壩在泉巖河大

壩之南每歲截河而築頗費人工近年東岸之渠漸廢

惟槐陰尚用此水在縣西南三十五里東西兩潭在滹沱南岸舊

日西起潭上東至張家莊彌望青蔥皆稻田也乾隆五

十二年溇沱漲發稻田悉被沙壓數不及從前十之二

三

崞縣

溇沱河渠溉縣東南八村田

溇沱自縣東北三十里入境經縣城東又南十餘里至上

封村始開渠河灘分畦種稻有上封渠大莫張家渠亭子

頭渠峙峪渠營裏渠雙嶺渠二村並引本地泉水庫狄渠桃園渠

陽武河渠溉縣西南二十一村田

陽武河官渠起陽武峪口使水以三十日半為一周自上

而下依次輪灌河南岸為上下陽武村水程二日半施家野莊

水程二日大牛堡及東頭村水程一日入蘆上默都水程一日下默都水程一日

陳家野莊水程一日沙池水程一日寺街水程一日半魏家莊及南大林

水程一日大牛店水程二日九釐神山水程一日上下三吉水程一日薛孤

水程一日薛孤水程六釐趙家野莊水程一日石封水程一日北岸上下申

水程二日大林水程一日下大林水程二日賈陀水程一日西會村

別一渠使漏壤餘水

其別泉資溉者有銅河源渠大蒲灣渠並在縣東

崞縣志温家東社渠引福壽山下泉水灌左右村麻地

在縣東南九十里即銅川河源也大蒲灣渠引白村泉水溉稻田即北來宣

橋水也出縣西北經城北入滹陀志有白家灣即白村

舊渠縣南有沙河渠東有蘇龍口渠

崞縣志雲中河俗名沙河出忻州至縣南板市村入滹

沱漑南北懷化等村案沙河乃忻蘇龍口河出白石村水非雲中河

諸山灌蘇龍口孫章題村等村

繁峙縣

滹沱河渠溉縣東西十一村田

滹沱河自源西行三十五里泆又二十餘里復出於縣東三十里之富家莊其開渠引溉者北岸有永興大溝子下茹越福連坊作頭聖水六村聖水村在縣東三里南岸有富家莊華嚴梁家村鐵家會古計莊五村古計在縣西南五里並築堰疏水分畦植稻惟河身遷徙不常諸村渠道畸零不能計其頃畝也

峩河渠溉縣西七村田

峩河出縣西南二十里代州之峩口開渠與代州分水溉縣屬之佛光莊上下高陵上下木角與盛沙村地畝水程自南而北以次輪灌

繁峙縣志峽口東南屬繁西岸屬代州前明互爭水利
布政司臧監司李以水源來自繁峙判令均分萬曆二
十五年始分定立石村口至今遵守

南峪口渠溉縣東南三村田

水出五臺之華嚴嶺名華嚴水至縣東南七十里出峪溉
峪口及東山底三會村地下流北入滹沱

冶河渠溉縣東北四村田

水出北樓閣南谷至縣東北六十里冶口出山溉孫家莊
義興寨下匯村及冶口地

右代州

保德州

黃河灘田資溉者州東有郭家灘

保德州志郭家灘州東十里溝中水可溉田百畝有奇
明萬曆間河水衝決遂失利後知州胡栢查灘未盡沒
乃修堰引溉焉

舊通志保德諸灘舊皆引河水或汲井泉澆溉菜果茂
盛自明季河變以後遂成巨浸舊志西溝在西城下源
出峰子嶺由下圍河入黃河舊溝畔灌溉畦園今衝沒

石梯灘東北二十里舊灌溉稻田今衝沒

地百餘丈東西灘畦並沒
沿河漂沒村墻三十有四

河曲縣

山溝水資慨者有鎮口河葬溝井峪溝龍門溝並在縣南

舊通志鎮河溝在縣西北四十五里

今縣東南四十五里縣志作鎮口河

葬溝在東一里井峪溝在南一里龍門溝在西一里均

黃灌漑 並在外

右保德州

解州

靜林澗水 澆州西南傍山田

解州志源出中條山頂北流經靜林寺東寺僧及左右

居民傍山半引水澆田引水之法以時刻計名一分水

自司空表聖定王官引水法後世因之北流經紅臉溝

入虞鄉洳水灘 澗西距王官谷二十里

舊渠通濟渠自州南入城澆圃今存故瀆

解州志渠在州城南引噴雪巖水 即五瀧峪距城四里下流為大水澗入

城明宏治九年知州李溥重濬萬曆十六年蒲人修堰

塞水道水不入城二十五年知州賈化醇申請鹽院復

舊民甚便之今淤塞

志云大水洞會小水洞入女鹽池水勢甚巨築五龍堰以防之其自

城南者入通濟渠穿城過均惠亭教城中園案道光末知州張偉峰復堵渠引水繞文廟及州署未幾又廢

河隄姚暹渠隄經州北州西有底張堰青龍堰硝池堰南有

五龍堰北有黃平堰永安堰七郎堰東有卓刀堰長樂堰金

盆堰蠶房堰常平堰西姚堰常家月堰趙家灣堰賀家灣堰

短堰龍王堰桑園堰

舊通志解州雖有溝渠壩堰皆擁護鹽池民田不能灌

溉諸渠堰坐落並詳鹽池下茲存其名

安邑縣

青石泉溉縣東南傍山田

舊通志青石泉縣東南三十里出中條山溉田數頃

水由青石槽經東郭入黑龍潭

姚暹渠入城者為姚暹渠今廢

安邑縣志姚暹渠舊經縣城內明隆慶四年改由城北河隄涑水隄姚暹渠隄經縣北縣南有黑龍堰璧水堰東禁堰雷鳴堰小李堰大李堰七里堰東有新堰沈家堰申家堰白家堰是尾堰小堰備水月堰河北小月堰河南小月堰

舊通志安邑姚暹渠所以防護鹽池嚴禁盜決私開民田無由資利涑水春夏乾涸雨水漲發岸高河深直瀉而西亦難資灌溉民間皆未設壩

諸堰並詳鹽池

夏縣

吳村渠溉縣東南二村田

夏縣志南北吳村

縣東南二十里

水利有二一發源中條山一

發源於柳谷灌地七頃有奇二十二日一周

史家峪渠溉縣二村田

縣志亦發源中條山由史家峽西流至史家堡溉田十餘頃上下輪灌一月一周

其別泉資溉者縣北有龍王水伯廟水南有惠泉水北有晁家木城內有蓮花池

縣志龍王河在縣北大澤村南至周村灘入青龍河附近田園引以灌溉伯廟河發源方山經郭道村苗村引以灌田惠泉在五里橋南舊爲澤浸官道乾隆壬午知縣李遵唐導從官道東南流開渠灌田晁家水出巫咸谷引以灌田蓮花池一在城內西北隅一在東北隅皆源泉也舊於城下置鐵柵以洩水今改埽洞自西門北穿城出附近田園資以灌溉

濁水資溉者巫咸河三渠既近城田

縣志近城之水發源於九溝十八汊至巫咸谷流合水分爲三一從北山底村流至東關名爲甲水一從南山底村流至上留村亦名甲水一在白沙河北岸曰小河經小南關勝覽樓外折而西流至西城外名爲里正河皆可灌地十餘頃旱則所灌無多

案所云卽白沙河也爲餘山諸水所匯夏

秋雨漲時潰決爲患分三河以

稱其勢不惟弭患且興利矣

舊渠縣西有司馬渠東有泮宮渠並廢

縣志司馬渠引涑水以灌民田相傳爲溫公開濬故名
晁家水舊引入聖廟泮宮每朔望日許民溉田今泮宮水廢不知何時歸於民間

河隄白沙河隄在南城外高德堰在縣北蓮花堰在縣南李

綽堰卽姚暹渠首也經縣西南

縣志白沙河隄自巫谷口至秦寺後南隄歸鹽商修餘

民修舊志白沙河流高出地勢若建瓴而南則破李

及村落綽堰而害及鹽池決而北則害及城闕而餘波延

存留公項銀七千餘兩又勅鹽法存公銀四千兩築南

北石堰約計五里並酌定章程嗣後北岸責令民修南

岸歸入鹽法歲修維時幫築土壑加砌灰石高一丈餘

高德鐵堰在縣北五十里中條山谷水北注聞喜美陽

川大澤中溢爲小澤復南溢入縣境青龍河古建石堰

督工者高德也故名案美陽川史作美良蓮花堰有二俱在牆下

村南防湧金泉入鹽池又有匙尾堰中花堰軒轅堰以

防姚暹渠崩決之患永豐渠隄亦名李綽堰卽姚暹渠

平陸縣

上游舊築有隄歲時修濬詳見鹽池

縣北三汶澗渠溉近城園圃

平陸縣志澗在縣北三里水有二源出中條南流至龍

王廟合繞縣北郭東郭外入河臨水圃人分渠引溉頗

饒蔬果之利

其入城注泮池者為興文渠

縣志明萬歷二十三年知縣魏學徵引水入城自縣署

繞學宮之左注於泮池名曰興文渠曹于泮有記續志

光緒六年知縣劉鴻達重築案所引之水即三汶澗

舊渠縣東有盤南渠沙澗渠西有葛趙渠並廢

縣志盤南澗縣東十里水出石槽溝康熙五十年知縣

潘鉞鑿崖引水灌東西二灣民田數頃未幾渠廢續志道光

八年澗東徙知縣李澍生令民修築沙澗縣東二十五

里源出條山東南谷至沙澗村入河頗為民利續志盤

並於道光間河水沖決田葛趙澗縣西四十里由南侯

村至葛趙灌田數頃稱沃壤續志葛趙村古渠傳為元

芮城縣

恭水渠溉縣東五村田葡萄澗渠溉縣西五村田

芮城縣志恭水在清涼寺後老子溝縣東北三南流溉

朱呂溝鄭家灣桃花澗劉九村關村田數百頃下流至

河葡萄澗水自澗南流逕鄭村漢頭七八里至石家嘴

會方段陽院二水名三合口經李家灣蔡村入河皆溉

田即五股泉也在

其別泉資溉者縣北有大安池地皇泉從源泉龍泉鹿跑泉

東有涇泉南有白龍泉小水泉

縣志大安池東南流至古魏城西賈公泉北入之繞古城南溉廟下路村田地皇泉溉縣西北十三里地皇村田大雨水溢則流合大安池洪源泉出縣東北十里洪源澗東南流溉南磴馮村田龍泉出縣北五里古魏城溉龍泉村山鹿跑泉在縣北八里溉中莊三村山以上並入古涇泉出直岔嶺下南流至儀家溝會眾水可運磴磨溉下數村田入平陸葛趙村白龍泉縣東南十里溉王家莊田小水泉一名黑龍潭溉太安村田頃餘其穿渠入城者爲通澤泉

縣志泉在縣北八里舊決渠引水入城注衛生池泮池康熙初涸乾隆十八年有泉出其北與舊泉東南流合觀音泉至西關東流入城仍灌縣署衛生池及泮池

舊渠古隋渠在縣南今廢

縣志姚暹渠在閻家莊西長十餘里注渠頭溝經葡萄

澗入河今廢為道案與鹽池之渠同為隋郡水監姚暹所開

右解州

絳州

州東北鼓水渠溉三十餘村田

鼓水清濁二泉自源合流溉鼓堆及附近蔡村馮家三泉

四村地無番期三泉村惟地八頃不入程下流為大溝就溝首建閘激

水溉溝東地三泉二晝二夜白村並盧李三晝二夜李村

並盧莊二晝二夜孝陵五晝五夜石村五晝四夜王莊二

晝二夜磨頭二晝二夜祁郭三晝四夜北關四晝四夜舊

靈邱府地一晝一夜州衙一晝一夜靈邱府番今多灌民田大溝漸

閻漸深土人名天河建二石閘一在席村北激水東南溉

白村地三頃西南溉席村李村蒲城地九頃此閘舊志有畝數無水程

一在水西莊北激水經莊東少南鑄鐵牌分二口一口溉

南北王馬三晝三夜龍泉三晝三夜蘇村六晝六夜古交

三晝三夜周劉六晝六夜舊通志蘇村六晝五夜古交三晝四夜一口溉西

莊一晝一夜中社二晝二夜南社二晝二夜王村三晝三

夜又自橋西分水三分溉橋東地案州志不詳西莊四村而云一口往天河至三

林橋北又建石閘激水漑三林橋東橋西地無番次茲依舊通志敘之

絳州志鼓堆泉古不能及溝上地隋正平令梁軌謂水

動物也順之則下激之則上乃因地宜以激水迄今千

有餘歲雖小有變更而大勢因之舊志溝東水出自清

泉石中混混歷代以來雖大工不敢取石懼石去氣洩

而泉澗也萬厯三十四年築汾隄取石於茲西莊成梁亦復取之及今不禁相援爲例

宋尹仲舒鼓堆泉記水源數十環鼓堆屬沸雜發匯於其南容爲深淵中多魚鼈蟹鮪水極清潔洞鑿毛髮盛寒不冰大旱不耗淫雨不溢其南壟爲三渠一載高地入州城周吏民園沼之用二散布田間灌溉萬餘頃所餘皆歸之於汾田之所生禾麻稌稻肥茂薤甘異他水所灌

薛宗孺梁令祠記隋開皇十六年內軍將軍臨汾縣令梁軌以亢陽頻災遂迹晉之故道審勢逗絕疏源分派乃開渠十二率灌田五百頃貫刺史牙城蓄爲池沼池邇間落狹洽國圃歲無旱憂邑民歌頌刻石以戴其賜

樊宗師守居園池記言水自正平軌

孫沖刻絳守居園池記如曰水本於正平軌正平帶郭縣也隋開皇十三年內軍將軍爲臨汾令臨汾卽正平也十八年改正平爲軌字世暮材令也忠州民井涵生物瘠疲因鑿山原自北三十里引古水圖經云古堆水地缺絕經濠坎則續之以槽穿城墉入衙注池別分走街衙阡陌灑灑然鳴激溝渠又灌溉畦町訖入於汾河

元王沂李榮祖政績碑水利不通不知幾何年矣聞北山有孚惠廟尤不知其爲孰也公旣至遂得一斷碑於草莽台泐而讀之方知爲隋臨汾令梁軌水利碑今改縣爲正平矣上載通渠十二公循其迹行而鑿之乃濳其源而疏其流滂其望而通其礙俾行者不漫漶蓄者

不泛溢或上或下而順其勢或分或合而依其經故田
間有灌溉之澤而川派無壅竭之患閩境皆受其福復
為梁軌修廟植碑以著其績

其別泉資溉者州北有澤掌泉掌諸泉南有紅葉溝泉峨眉
泉西有古交泉丁村泉

舊通志澤掌莊村北浸水泉三孔渠二道溉澤掌莊村

南地餘水流至鼓堆莊使水七分蔡村使水三分又流

至下蔡村使水七分鼓堆莊使水三分胥輪溉絳州志名龍頭

泉出村東北一里云泉掌關聖廟泉溉泉掌鎮地二十

其水性寒不甚發苗有五日一周鎮東南活潑泉春口泉溉地十有九日一

周鎮東浸水溝泉分二渠東一渠溉西韓梁十有一日

夜東韓梁六日六夜下堡八日八夜辛堡三日三夜西

一渠溉泉掌鎮十有一日夜西韓梁十有三日夜胥輪

渠水經注長修縣修水當在此其地泉皆穴地而出井水亦外溢惟不甚暢流關廟泉在市中亦井泉也

史家莊紅葉溝泉溉劉雅莊六晝六夜曲村莊四晝四

夜柏壁莊二晝二夜胥輪溉堡莊用水在劉雅曲村渠

內州志名康莊峨嵋山下泉溉康村蘇陽二莊一晝一

夜三張村七晝六夜梁家莊一晝二夜柏壁莊一晝一

夜胥輪溉二泉在汾河南

絳州志薛郭村泉灌古交地一二頃丁村泉灌本村葦

地不計其數

濁水資溉者馬壁峪二渠溉州西北十村田

宋史神宗九年八月程師孟言河東多土山高下旁有川

谷每春夏大雨眾水合流濁如黃河礮山水俗謂之天河

水可以淤田絳州正平縣南董村旁有馬壁谷水嘗誘民
置地開渠淤瘠田五百餘頃其餘州縣有天河水及泉源
處亦開渠築堰凡九州二十六縣新舊之田皆爲沃壤嘉
祐五年畢功績成水利圖經二卷迨今十七年矣閩南董
村田畝舊值三兩千收穀五七斗自灌淤後其直三倍所
收至三兩石今臣權領都水淤田竊見累歲淤京東西鹹
鹵之地盡成膏腴爲利極大所慮河東猶有荒瘠之田可
引大河淤溉者於是遣都水監丞耿琬淤河東路田
舊渠汾河渠今廢龍谷泉及澤掌三泉今涸鼓水入城爲園
池今存故蹟

唐志貞元中絳州刺史韋武鑿汾水灌田萬三千餘頃

絳州志龍谷泉在東北十八里舊溉田甚多今流數十

步卽油

舊通志在山陰香村亦隋令澤掌西北二里有限梁軟開三泉諸素田

嵩泉馮泉永和自水其利甚溥今俱涸絳守居園池在州

右北樊宗師有記已詳故水

河隄汾河隄在南門外

舊通志汾水自北而南曲折而西少曲而北明隆慶元

年衝南城齧南門外大街知州宋應昌創砌石隄自禹

廟起至城西角止共三百餘丈

國朝順治九年汾水漲衝南門前樓齧摧石隄數十丈補

修康熙初石隄復壞修復

聞喜縣

縣東北涑水渠五道溉十三村田三十六頃四十八畝

涑水起絳縣煙莊峪至縣境六十里之東外村堵渠其堰

有五開於宋熙寧間者三開於明洪武間者二第一堰溉

東外喬寺東山底西山底四村地十頃舊名康甯里知縣李如蘭改豐泉里

第二堰溉柳泉愛里東觀底東劉家院四村地十八頃有

奇渠口在絳縣磨裏村堵截明正德間知縣王林以上流

定分數嚴界限第三堰溉喬寺地五頃一十畝舊名義甯里至今名王公渠

第四堰溉西劉家院元家院大蔡謝小蔡謝侯村五村

地二頃五十畝有奇舊名晉甯里改前鹽里第五堰溉東下呂西下

呂二村地四十畝有奇舊名榮田里改常甯里五堰遼遠數十里盜

決占恠者多明嘉靖三十九年知縣羅田置牌定番次選

渠長申其禁渠民名為羅公渠至四十二年知縣李復聘

復申嚴焉刻石元家院

縣東南沙渠水渠溉四村田三頃五十畝有奇

水出縣東南五十里縣志所謂北河渠也溉偏橋柏底蔡

村后宮地縣志北河渠自橫嶺關沿河開渠溉後宮柏底

南山渠溉偏橋諸村地一千三百四十六畝二分舊通志名

所據者皆當時渠册也互核之實是一渠即古沙渠水也

謂出橫嶺關非由開喜亦有橫嶺與垣曲山同名遂行關字

縣南中條山水渠溉十一村田十六頃七十三畝有奇

唐志儀鳳二年詔引中條山水於南城下西流十六里溉

涑陰田

縣志董村渠在村東秦王澗下明萬厯間知縣王象乾

修因名王公渠溉董村北郭衛村田水程十七日一周

北距縣四十里傍澗諸村古美良川也舊通志統名湯山渠茲據唐志以中條山水概之陽社渠在

蘇村東溉陽社小寺頭二村田水程十日南陽渠在河底

村南溉南陽蘇村中申三村田水程十日小寺頭渠在蘇

村南漑小寺頭陽社西郭三村田水程二日周蘇村渠在村

東漑本村田水程十日周西張渠在蘇村三皇廟前知縣王

象乾修亦名王公渠漑西張東張二村田水程十日周寺頭

渠在村東唐地理志縣東南二十五里有沙渠卽此漑

木村田水程十七日周案沙渠據水程十日周中條山水之北坡申渠在村東漑

木村田水程十日周下莊渠在村東坡申渠下漑下莊馮村

二村田水程二日周南桃渠在村之北溝漑本村田水程二日周

其別泉資漑者縣東北有甘泉渠漑三村田西北有野狐泉

渠漑三村田

縣志甘泉渠源出縣東三十里黑龍溝漑交水口上下

東鎮及背後村田舊通志漑田三百五十二畝九分雷公渠源出野狐

泉由白水溝至城西北三里姚村出溝行平地明萬厯

間知縣雷復豫定溉田分數始姚村次王順坡上白土

中白土山家莊坡底薛莊家家坪戶頭等村月一周舊

志水勢消後止澗柏樹神
薛莊白土地二十二畝

舊渠野狐泉舊穿入城今存故瀆

縣志故道在縣西北嘉靖間城北地中尙有通水瓦筋

已詳
上

河隄石隄在南城外

李汝寬護城石隄記凍水發源絳縣橫嶺關煙莊谷卽

聞喜義甯諸里地自有宋熙甯開渠溉田至今不廢蓋

上三十里間而水幾涸矣又三十里帶城南而西入夏

臺達於黃河皆伏流之餘也故水亦不能爲城害惟是

天作淫雨過水既無所分而中條山水北入峨嵋嶺水南入於是水勢滋大而南城之西偏壞此東海王侯之所以議砌石隄也長以丈計一百六十有奇高以尺計二十有二闕下殺其高之半上殺其高之十有七而土不與焉

河津縣

縣北瓜峪渠溉四村田稍東有神峪渠溉二村田

唐志龍門北三十里有瓜谷山堰貞觀十年築西二十里
里有馬鞍塢渠縣令長孫恕所鑿

舊通志瓜峪渠縣北三十餘里紫金山麓西距遮馬峪
十里有奇懸崖峭壁水由石罅出開渠引溉史家莊魏
家院南北午芹諸村地神峪渠北三十餘里馬鞍塢山

下西距瓜峪三里古樹根下孔大如斗清水湧出開渠

引溉南北午芹村地唐地理志西二十一里馬鞍塢渠

是也但渠不在今治西當屬北字之諺耳泉由神峪越

東為清渠一支縣志所謂二峪歸崖泉出石距天澗而

遮馬峪渠溉縣西北四村田

峪距縣三十五里卽鄉甯縣西南七十里之柳朴渠水古

兩乳谷也由山峽出至西禮口開二渠引溉固鎮里劉家

院西禮干澗諸村地縣志渠亦唐貞觀中縣令長孫恕鑿

間下流澆固鎮者仍舊上流一渠澆干澗者因猛雨衝斷

水落下停民仍供水田稅糧里社窘焉明隆慶五年知縣

其濁水由瓜遮二峪分三渠溉縣北八村田

河津縣志二峪各有清濁二渠築自唐時清水泉灌近

山民田濁水待天雨谿壑水流灌僧樓南方平孫彪東

長光德下停清澗等里宋大觀間豎二碑刻石圖置縣

廳今尙在舊通志一碑瓜遮二峪用水各渠圖明戶部

侍郎凌公奉旨興修榜諭更定遵守無壞獨濁水分渠

派定三支西長大澗灌東長光德下停清澗等里者嘉

靖十一年山水暴漲崩入黃河衝為大溝深幾百尺三

十五年知縣高文學刻期興修三月告成高一尺厚六

尺上為土橋通濟南北旁疏支渠溉田千頃惜巔頂失

防護上流復壞萬厯初知縣張汝乾視舊址難修築先

於上流渠道自寺莊而下可通及東長光德等里者悉

加疏濬遇雨水大泄亦可以徧及也案此渠舊濬寺莊

德清澗下旁七里其後惟寺莊長壕二村酌食其利三康熙十一年樊村人於長壕橋溝內築堤未幾復潰

於東支天澗內有甲字渠灌僧樓東半里田南支南下
大澗內分乙丙丁三渠乙丙二渠灌僧樓西半里田丁
字渠澆孫彪東半里田歷來無患

舊渠汾河渠十石壩渠在縣南並廢

水經注漢河東太守番係穿渠引汾水以溉皮氏縣故渠
尙存

唐志東南三十三里有十石壩渠貞觀二十三年縣令長
孫恕鑿溉田良沃畝收十石

稷山縣

縣北華谷水渠溉二村田

黃花峪在縣西北三十里水經注所謂汾水西與華水合
水出北山華谷者也分二渠一灌張東村一灌張西村姚莊

池在縣西北三十里志云隱士姚綬鑿筒引十里餘注水溉田當是華谷水

其別泉資溉者縣東有白楊泉北有壺盧泉舊穿城注泮池

舊通志白楊泉在小杜村溉武平小村上王村洞治莊

甘陽村東劉西趙村地武平係絳州今細微溉地不如舊壺盧泉

城北三里形如壺盧因名曰溉田數畝流入泮池此泉亦微

濁水資溉者晉家峪二渠溉縣北三村田馬壁峪三渠溉東

北十三村田黃華峪二渠溉西北十五村田

舊通志晉家峪澗內有浸水遇雨漲溉鄉甯山底村及

稷山縣薛家莊仁義等村田萬厯間知縣李希召均水

利東渠溉仁義西渠溉薛家莊馬壁峪澗係猛水古分三路東路首

溉稷山三界莊餘水溉絳州北董莊官莊光馬莊等村

中路溉李老莊太杜莊廉城莊等村西路溉范家莊張

家莊劉家莊東莊高渠西社中社等村胥稷山境明時
官莊於中路開偏渠奪李老等村水萬曆三十九年知
縣張思恭復古制有碑記

國朝康熙十年又起爭絳州知州張揆圭稷山縣知縣顧

涑初斷令於支流堵塞如東路有餘水官莊方得溉田

有碑記小杜村山中路李老莊北接木溉村中出黃華峪澗清水渠雨則混

入猛水東澗自上及下溉開張東村閘頭村加莊邢家

莊陶梁華峪澗東程社胡家莊梁村段村等地西澗自

上及下溉開張西村路村華峪鎮甯翟等村志又有東

所屬而地在縣東南蓋接馬壁晉家二峪餘水者

河隄鋪頭堰薛村隄並在縣北峪口

鋪頭堰城東北三十里沙溝廟前發以障馬壁峪水薛

村隄城西二十五里故有洞無隄知縣吳峻行令民築隄匯水溉田二百畝有奇

絳縣

縣南凍水源有冷口葉莊楊莊三渠溉縣西南七村田

舊通志冷口峪水泉發源橫嶺關東西冷口朱莊三村

灑水田設渠東冷口月一日起四日止西冷口朱莊五

日起十日止遵水碑輪溉週而復始案冷口泉為凍水正源下流入關喜

溉田甚廣說詳山川考西葉家莊水泉發源縣境周家莊趙村莊

崔必莊溝內西葉家莊柳莊二村灑水田設渠水程以

十二日為度西葉家莊使水七日三月一日起六日止

七日為滲潭水柳莊使水三日八日起十日止十一十

二日又西葉家莊使水遵水碑輪溉案此即舊志所云凍水出陳家峪伏

流地中至柳莊案此誤當是澗之復出澗田者楊村莊絳水別源辨詳山水發源西

門外西溝西楊北楊二村瀕水田設渠北楊村正月一

日起七日止西楊村八日起十六日止遵水碑輪溉

縣北澗交水渠澗二村田其流合澗水者有賀水渠范壁渠

澗七村田

舊通志澗河發源大郡莊南大郡大交二村瀕水田設

渠水程以十一日為度大郡莊正月一日起六日止大

交鎮七日起十一日止遵水碑輪溉案此乃水經注賀

水莊玉龍泉發源賀水莊村西賀水陳景二莊與翼城

縣中賀水西賀水西莊裏等村瀕水田設渠水程以四

十日為度絳縣賀水莊二月二十五日起引澗以十六

日翼城中賀水村引澗九日西賀水村引澗十日西莊

裏引溉三日絳縣陳景莊引溉二日遵水碑週而復始

賀水亦見 范必莊水泉發源莊境東南瀕水田設渠由

上及下輪溉依水經注必當作壁

其濁水資灌者沙峪水在縣東續魯峪水在東北

舊通志沙峪雨水東三十里水雨暴漲居民引以溉田

續魯峪雨水東五十里亦通沁水溉田頗廣

垣曲縣

縣東教水四渠溉田二十二頃有奇

舊通志東河即教水也或亦謂為峪子村渠自村境方

家溝起至廟門前止溉地一頃四十五畝縣北硤口村

渠自村境龍王廟起經譚家溝村石家莊村至李家圪

塔止溉地十四頃三十五畝有奇北三塏坂村渠自

境河神廟起至牛家墳止溉地四頃九十三畝有奇北

十里同善村渠自村境駱駝腰起至太山廟止溉地一頃

五十五畝即警家鎮在縣北四十里

縣西毫清河渠溉田四十八頃有奇

舊通志西河即清水也合倚毫川及白溝諸水自縣西北流經城南入黃河皋落鎮渠

自鎮境西門前起至東門止溉地一頃三十四畝有奇

縣西北五十里清廉村渠自村西境起至村東止溉地三頃七

十二畝有奇西四里長直村渠自村境廟前起至河廟前

止溉地一頃八十七畝有奇西三里交斜村渠自村境

西河起至龍王廟止溉地三頃四十畝有奇西三里王茅

鎮渠自村境龍王廟起至磨兒溝止溉地八頃九十五

畝有奇西二里柳莊村渠自村境西磨起經河西村至小

楊溝止溉地七頃六十七畝有奇西五十里毫城村渠自上

毫城西窰起經下毫城至春水溝止溉地七頃八十六

畝有奇西五十里小趙村渠自村西境起至石家嶺止溉地

一頃七十畝有奇西六里萬厯間知縣全梧開後塞知縣趙乾清復疏通辛莊村

渠自村境上河起至下河止溉地九十三畝有奇西三里

城垣渠自演武場起至南門口止溉地七頃三十五畝

有奇官店村渠自村境西河起經上丁村至下丁村廟

前止溉地三頃五十一畝西六十里橫嶺開口

舊渠縣北有堡頭店頭二渠西有五龍渠社村渠近城有舜

清渠

舊通志堡頭渠縣北七里萬厯間知縣趙乾清開店頭

渠北十里萬厯間知縣呂恆開二渠並五龍渠西二十引教木

五里卽五龍祠泉水民資灌溉社城渠西北二十五里
古棗澗水也南入清水城東渠卽湛水出河內軹縣舊名舜清康熙元年知縣董爾性鑿石引水

魯聖學古渠水利記邑郭外東北隅有龍泉曰滴水泉懸崖而出上有神祠下有池池東有清波沆水支流自北而南入大河願古未有引以溉田者順治己亥邑侯董公爾性鑿山引水不越月而渠工告竣

河隄黃河隄在南城外

劉魯護城石隄記垣曲城距山不二百武而遙而毫清河經其下與黃河口會秋水泛漲萬壑奔注浸城城潰則亟築令趙公創護城隄入爲御史出按晉議發公錢三千緡佐隄費隄廣七尺崇倍之下地三尺延長二千

七百尺俱砌以石板庚子正月成尋大水垣恃隄屹不
爲害

右絳州

隰州

隰川河隄在西門外

明范守已徙河築城記隰州川流受高唐溫泉蒲子諸
山峪泉源總至暴漲無時城常受其侵齧萬厯壬寅欲
徙河流而川中土石雜揉猝難鑿濬至五月終乃得成
渠導水西去復聚石爲長隄以防侵軼之虞而水驟至
石隄漂沒戊夜水候流西山下涓涓若衣帶城墮外土
石壅起若長隄然所鑿中渠亦淤塞無蹟初西山下土
高石堅勢不可穿濬至是一旦成渠長二里許水流其

中人皆以爲異

蘇萬民范公祠記范公爲隄柴水之涓長八十許丈捍
汎濫爲久遠計

蒲縣

通惠渠舊溉縣東田穿城注泮池今廢

舊通志通惠渠水自庫拔村南入渠溉田漸引至城由
縣治入學宮出復溉民田渠自知縣韓超然始尋壅塞
知縣鄭可行復疏通後又塞

大甯縣

麻東溝水舊自縣西架渠入城溉東關田今廢

舊通志麻東溝源出捕狐山南流達昕河明成化間知
縣劉紹宗傍山鑿石剝木爲浮渠引水入城注泮池中

且溉東關園田數十畝後廢

永和縣

仙芝河渠溉城北田其山溝水有索陀汉口東峪西峪諸泉並資灌溉

舊通志曲村渠縣北五里舊無水地仙芝坊民間築溉田索陀川東三十里汉口川東北二十里東峪溝東五里西峪溝西二里皆開渠引水灌溉

右隰州

霍州

州西汾河渠十一道河東六渠河西五渠溉九村田四十一頃三畝有奇

退沙村在州西北渠分小渠五支溉地四百八十畝什字

村渠分小渠三支溉地二百八十畝聖佛村在州南辛置
都渠分小渠三支溉地一百三十一畝有奇辛置都渠分
小渠三支溉地一百三十一畝有奇郭莊在州西南辛置
都渠外分一小渠溉地一百八十三畝寺莊東灘渠分小
渠二支溉地一百二十二畝有奇以上汾東許村在州西
北渠外分三小渠溉地二百八十畝白龍村在州西上下
一渠溉地六百九十三畝有奇寺莊在州西渠分小渠二
支溉地七百三十畝陳村在州西南渠分小渠三支溉地
八百三十五畝有奇聖佛寺西灘渠分二小渠溉地一百
二十二畝有奇以上汾西

其泉水資溉者州北有馬跑泉羅頭泉東有鴨底渠玉泉章
邱泉古魚池邢家泉龍池溝南有擬水方池圓泉普濟泉

舊通志馬跑泉在州北四十里唐太宗取霍邑時有杜
十萬者以餉師功求泉爲己利遂賜之至今惟杜莊得
溉田羅頭泉在州東北三十五里馮村東溝南流溉田
入汾鴨底渠在州東北三十里師家泉引以溉田玉泉
卽陶唐谷水在州東三十里中有水西流灌田數百畝
章邱泉在州東十里邱家崖下散流入絺水以溉田古
魚池在州東八里大張村引渠溉田入汾邢家泉在州
東北三里引流溉田龍池溝在州東北三里泉流溉田
絺水州南谷中西流溉田方池在州南十五里郭莊引
渠溉田圓泉在州南十五里陰地村引渠溉田普濟泉
在州南十里明萬厯間知州張文炳引水溉田

潞水資溉者州東有官渠東南有義成渠

舊通志官渠在州東合大張等村引流入渠溉田義成渠在州東南三十里義成谷中西流溉田

趙城縣

縣西汾河渠四道溉河西九村田

善利渠在縣西北十里元中統二年民郭元長等開引溉

石明里田上廣濟渠縣西五里引河水由稽村溉田至李

村止下廣濟渠亦由稽村引水溉好義安定登臨各里田

好義距城二十里安定登臨並距城十里通利渠縣西三里金興定二年民間

張所開稱閭張渠溉石止馬牧二村及洪洞辛村等七村

臨汾羊黃等九村田共二百二十六頃有奇案通利渠初

莊引水即善利渠道也其後始改道由縣南之石止灘而善利北連汾西諸渠為統名矣

縣東南霜泉三渠溉三十五村田

北霍渠水出縣東南四十里廣勝寺霍山南麓溉柴村等

二十四村田至城北高崖村止水程詳供同縣下舊志

等四十六村田五百九十二頃北渠分三節溉趙城永樂

有奇朱金間定水利胥有碑南霍渠與北霍同源溉道

覺等四村田下流入洪洞縣舊志南渠分五道一即南霍

上下流分二名一日小霍溉道覺等四村洪洞縣曹生等

十三村共田一百六十餘頃一日大霍乃澗槽止動水磨

一曰清水合南霍諸陸門及截大壘堰郭北澗諸水成渠

奇案志則南渠在趙兼清水渠係北霍遺漏之水溉縣東

南十五里李岩等七村田至大李岩村止舊志清水渠聚

各堰消滴透漏之水並北霍虞家澗水胥得水入毫四絲

一在城東二十里亦得三頃水並為一渠溉趙城共洞兩

縣十四村地一千四十頃七十六畝有奇北霍發源霍山

麓下西流經梗壁等三村清水水勢與北霍渠不同其利

則一也案洪洞縣亦有梗壁村及清水渠與此別

舊通志趙城五渠北霍南霍清水三渠源發霍山上下

廣濟二渠引汾河水由霍州而入趙城者也舊例各渠
歲舉老成正直一二人充渠長給水截以專責成渠長
下設水巡數名查水之上下又設溝頭數名理渠之通
塞至於引溉凡各村總匯地俱設陡口一座平時則閉
需水則開輪日按時週而復始由近及遠由高至卑無
違渠制自無爭截之弊

其濁水資溉者有北大澗北小澗

舊通志北大澗在縣北一里出霍山觀音溝中居民或
用以溉田但暴漲亦能爲害西入汾北小澗在縣北二
十里益昌舖出霍山谷中利害參半經跑地橋西入汾
舊渠汾河有利澤渠霍泉有大澤渠並廢

舊通志利澤渠明正統間知縣王或以汾河利澤渠湮

圯令民由縣西北二里賈村引南北二霍渠經城南合
大澗河亦名利澤渠共溉田千頃有奇大澤渠在縣東
北二十里源出霍山元中統四年引至梗壁等里十三
村溉田一十頃西入於汾

李東陽利澤渠記元中統間有引汾水者由趙城衛店
堰而東流合霍澗二水爲渠以溉趙城洪洞臨汾三縣
田四萬畝至順元年晉甯路達魯花赤朶兒只因地震
渠壞又浚沂口五十二小夾口十有九桔槔護夫皆具
以教農興事國朝歲久池涸水壅成化甲辰大旱太守
請於當路重浚此渠引汾水於洪洞西北築壩以截其
流復取霍澗之合流於羊獬壩鑿池四區窪而級之以
爲甃槽洶洶斯水又於高河築壩二丈窪十有四節啟

閉以時灌溉沃饒引其餘水入流城中資萬室飲傍水
地價頓至十倍矣

靈石縣

縣東汾河渠十道河東七渠河西四渠溉田十七頃有奇

河東渠起縣北四十里索洲鎮自鎮北門引水溉村西及

池南地舊通志溉地二水頭渠自張家峪南引水溉水頭

鎮地舊通志溉地縣城西門外渠溉城西及南門外地城

南玉成渠溉玉成村地張家莊渠自玉成灘引水溉本村

地舊通志溉地許家店渠溉本村地南關渠溉南關王莊

二村地舊通志溉地河西渠起縣北五十里景

家溝自村東引水溉下莊河洲劉家莊三村地梁家圪塔

渠溉本村及夏門鎮地舊通志二村共溝峪渠溉溝峪灘

諸村地道美二渠溉道美鎮及石樞村地舊通志二村共既地五百九畝

以上並汾河西

小木河四渠溉縣東四村及近城田仁義河五渠溉縣南九村田

上村二渠溉上村李家溝王家圪塔三村地沙峪渠溉沙

峪溝村地東渠溉城東門外地以上並引小木河仁義二渠溉仁

義鎮地舊通志溉地二百七十畝逍遙渠溉逍遙嶺村地舊通志溉地二百五十畝

王家渠溉王家溝村地舊通志溉地二百五十畝三教渠自王家溝接

水溉三教村地南關渠溉南關鎮及王莊地以上並引仁義河

舊通志小木北渠知縣路麟開溉地三百畝

其山溝水資溉者二十餘村皆小木仁義二河之上源也並

在縣東

與地峪水二渠與介休興地村分水溉旌介集廣二村地

舊通志集廣渠溉地三百二十畝 柏峪水渠溉大小柏溝及張嵩三渠地

舊通志溉地五百十四畝 馬和渠引廟底泉溉馬和村地靜林渠引三

奇溝婆娑泉溉靜林村地柏峪馬和靜林三渠下流並入靜昇 靜昇三渠引

村外天河內馬頭小河黑水三泉溉靜昇鎮地舊通志溉地五百十

五尹方宋家圪塔渠一蘇溪南堡渠一下莊北王莊渠一六村並

由靜昇接水分渠灌溉舊通志蘇溪溉地四百二十畝 草橋渠

引韓莊泉溉草橋五莊及北王中地北王中地別為渠 曲陌泉經梧

桐村為梧桐河軍寨渠溉軍寨曲柏楊家園三村地下寨

渠溉南頭下寨壑盧頭東西諸村地王中渠溉南王中村

以上諸泉共溉二十四村田下流並入小河 二溝渠引石門水溉二溝村地

峪口二渠引白楊河石門口南北不來溝四泉溉峪口東

村灣立西村前後莊立河南八村地

舊通志峪口溉地二百九十畝莊立溉地

二百九十四畝西村溉地三百六畝

道遷渠引青石溝水溉道遷村地

以上諸泉

共溉十村地下列並入仁義河

穿渠入城者西為汾水東北為小河水

靈石縣志縣中舊無井於城垣下鑿三暗渠東門北門

俱導小河之水西門引汾河水取資灌溉惟日久多淤

疏鑿之功不能輟云

河隄萬金隄在北門外

舊通志萬金隄即北門外小水河隄也縣當東山諸水

下流始開縣治築以護城屢塌屢修明萬曆乙亥知縣

白夏加築堅厚易名萬金隄後暴漲逼隄歲塌圮

舊志明景

泰七年知縣范甯築隄捍城

國朝順治間知縣李來麟李廣繼修康熙十年塌一百丈
有奇水浸東南門內知縣侯榮圭復修砌

右霍州

山西通志卷六十九